

Película di Boy Ecury ta bin Aruba

Ya el a gana varios premio internacional na Europa y Merca



ORANJESTAD - Manera ta conocí, durante segunda guerra mundial Boy Ecury a duna su bida pa libertad di Hulanda. E acto heroico di e hóbén Arubiano aki pa hopi hende ta algo grandi y masha emocionante.

Boy Ecury a nace na Aruba, e tempo ey ainda Aruba tabata parti di Antias Hulandes. E tema aki a traha mashá hopi riba productor Sherman de Jesus pa hopi tempo kaba.

P'esei e película ta na promé luga un homenage na e heroe Arubiano den resistencia na Hulanda. Serca mayoría hulandes ta completamente desconosí cu un Arubiano Antiyano a bringa pa libertad di Hulanda. P'esei ta algo único cu awor, pa medio di e película aki, ta duna atencion na e personahe di Boy Ecury.

Arthur Japin a scirbi e script pa e película aki. E autor hulandés a gana varios premio pa su obran; y na april último na Hulanda el'a sali ganador di "Libris literatuur prijs 2004". Pa e película "Boy Ecury" el'a haña inspiracion den e buki "Boy, een Antilliaanse jongen in het Nederlands verzet" di Ted Schouten (primo di Boy). Den e película el'a hinca un fragmento único di película di 8mm di Boy Ecury, cu a wórdó filmá durante di segundá guerra mundial y cu recién a wórdó descubri. E luchador hoben Arubiano aki di resistencia, Segundo Jorge A. (Boy) Ecury, a wórdó fusilá pa alemanan dia 6 di november 1944 na Waalsdorpervlakte na Hulanda. Entrante dia 21 di oktober Aruba lo tin oportunidad di mira e película aki den Cas di Cultura riba pantaya grandi. Lo tin funcionnan anochi pa adultonan y durante dia


diasabra y diadomingo pa hobenan di scol secundario cu entrada na mitar di prijs. Sigur esaki lo ta un tributo grandi na honor di un Arubiano cu awe nos conoce su estatua pero cu awor nos lo por conoce su bida y historia dramático na Hulanda durante guerra.

E película "Boy Ecury" a risibí fuera di "Columbine Award" na Merca mas reconocimiento internacional: Johnny de Mol a wórdó nominá pa Stichting Nederlandse Academy Awards pa un escultura di oro komo mihor actor pa su rol den e película.

Nominashon pa ICODO prijs, un premio pa produccionnan cu ta yuda comunidad bira consiente di e consecuensianan di violencia organisá. Tambe e película di Boy a gana e famoso premio "Gouden Kalf" pa e mihó musica na "Nederlandse Film Festival".

Na Francia el a gana e FIPA D'OR de la meilleure musique originale (mihó musica original) na Festival International de Programmes Audiovisuels (FIPA) na Biarritz. Nos ta sigur cu pueblo di Aruba lo yena salanan di Cas di Cultura pa mira e gran heroe Arubano su bida.

UN PELÍCULA CU NINGUN HENDE POR PERDE



MEMPHIS FEATURES
PRODUCED BY SHERMAN DE JESUS AND FRANS WEISZ
 SCREENPLAY BY SHERMAN DE JESUS AND FRANS WEISZ
 DIRECTED BY ARTHUR JAPIN
 CASTING BY VINCENT DE PATER
 COSTUME DESIGNER JIM RUTGER ACHTERBERG
 MUSIC BY GUY CLÉVEAN LIK
 EDITOR SHERMAN DE JESUS
 EXECUTIVE PRODUCERS SHERMAN DE JESUS AND FRANS WEISZ
 PRODUCED BY SHERMAN DE JESUS AND FRANS WEISZ
 DOLBY DIGITAL
 ALL RIGHTS RESERVED

Un hoben Arubiano cu a entrega su bida durante guerra pa libertad di Hulanda

21 - 22 - 23 di Oktober
 na Cas di Cultura riba Giant Silverscreen

21 di Oktober

Première: 7:30 pm Afl. 35,-
 (incluyendo 'Wine and Cheese reception'
 cu Director di e película)

10:00 pm Afl. 15,-

22 di Oktober

Matinee: 5:00 pm Afl. 7,50
 7:30 pm y 9:30 pm Afl. 15,-

23 di Oktober

Matinee: 5:00 pm Afl. 7,50
 7:30 pm y 9:30 pm Afl. 15,-

Caarchinan ta obtenible na Cas di Cultura.

Pa compania y nan empleadonan caarchinan lo wordo entrega si ta riba 10 ticket pa cada compania.



PREMIANAN:

- ★ Ganador di e premio "Gouden Kalf" pa mihor musica na e festival di cine di Hulanda.
- ★ Ganador di e premio "Columbine Award" na e "Moondance Film Festival" na Merca.
- ★ Ganador pa musica original di festival na Francia: "De FIPA D'OR" de la Meilleure musique originale.
- ★ Actor Johnny de Mol a ser nomina pa mihor actor pa Stichting Nederlandse Academy Awards.

E PELÍCULA TA NA HULANDES CU SUBTITULO NA INGLES